

2024-mi meerartaarnermut atatillugu sulinngiffeqarnermi ullormusianik pisartut

2024-mi 563-it meerartaarnermut atatillugu sulinngiffeqarnermi ullormusianik pisisarsimapput. 2023-mut sanilliullugu 156-inik ikinnerupput.

2021 aallarnerfigalugu Amaammut, Kalaallit Nunaanni Erninnermut atatillugu Sulinngiffeqarnermi Anangaasaateqarfimmit sulisitsisut ikiorsiissutinik pissarsisalerput, taanna atorlugu sulisut tamakkiisumik ilaanakortumilluunniit aningaasarsiaqartinneqartarput. Meerartaarnermut atatillugu sulinngiffeqarnermut ullormusisartut ikiligaluartut Amaammit aningaasaliissutit amerlipput. Naatsorsueqqissaartarfimmit immikkut Kalaallit Nunaanni Erninnermut atatillugu Sulinngiffeqarnermut Aningaasaateqarfik Amaat pillugu immikkut kisitsisitigut paasissutissiisoqarpoq.

Takussutissiaq 1. Meerartaarnermut atatillugu sulinngiffeqarnermi ullormusianik pisartut aamma aningaasat tunniunneqartut annertussusaat

	2022		2023		2024	
	Amerl.	Annertuss. (1.000 DKK)	Amerl.	Annertuss. (1.000 DKK)	Amerl.	Annertuss. (1.000 DKK)
Katillugit	846	35.119	719	31.775	563	26.702
Kommune Kujalleq	101	4.317	84	3.406	82	4.067
Kommuneqarfik Sermersooq	272	10.739	228	10.182	179	8.165
Qeqqata Kommunia	171	7.735	120	5.397	113	6.188
Kommune Qeqertalik	103	4.222	104	4.977	56	2.256
Avannaata Kommunia	199	8.107	183	7.812	133	6.026

Najoqqutaq: Naatsorsueqqissaartarfik <https://bank.stat.gl/SONB006>.

Meerartaarnermut atatillugu sulinngiffeqarnermi ullormusianik pissarsisartut amerlanerpaat arnaasarput. Arnat meerartaarnermut atatillugu sulinngiffeqartarnerat angajoqqaatut sulinngiffeqarnerit ilanngullugit sivilunerusarpoq, amerlanertigullu ukiut marluk ingerlanerini atuuttarluni, taamaattumillu kisitsisitigut paasissutissaliornerni ukiunut marlunnut inissinneqartarlutik.

Takussutissiaq 2. Meerartaarnermut atatillugu sulinngiffeqarnermi ullormusianik pisartut suaassutsinut immikkoortillugit

	2022	2023	2024
Katillugit	846	719	563
Angutit	128	94	67
Arnat	718	625	496

Najugaq: Naatsorsueqqissaartarfik <https://bank.stat.gl/SONB007>

2024-mi meerartaarnermut atatillugu sulinngiffeqarnermi ullormusiat

Kisitsisaataasivimmi kisitsisinik paasissutissanik assigiinngitsunik isumaginninnermut tunngasunik aallertoqarsinnaavoq, paasissutissat aaneqarsinnaasut ilaatigut makkuupput; najugaqarfik, ukioqqortussutit, suaassuseq, ukioq aamma naatsorsukkat suussusaat (ullormusianik pisartagallit amerlassusaat aamma ullormusiat annertussusaat).

Inatsit tunngaviusoq

Ataani atuarneqarsinnaapput meerartaarnermut atatillu inatsisit.

Paasissutissat sukumiinerusut uani Naartunermi, erninermi meeravissartaarnermilu sulinngiffeqartarneq pillugu Inatsisartut inatsisaat nr. 5 19. novembari 2020-meersumi atuarneqarsinnaapput.

Meerartaarnermut atatillugu sulinngiffeqarnermut ullormusiat il.il.

Ernereermermi ullormusiaqartitsineq pisarpoq ernisimalluni sulinngiffeqarnermi isertitaqarunnaarsimagaanni.

Ullormusiaqarsinnaatitaaneq akissarsiaqarlutik sulisunut, namminersortunut taakkulu aapparisaannut pilersueqataasunut soorlu aalisartunut, piniartunut savaatilinnullu aammalu ilinniagaqarsimallutik naammasserlaanut ilinniarnissamullu ilinniarnissamut aalajangersimasunut qinnuteqarsimasunut atuuppoq. Ullormusiat annertussusaat ilinniagaqarsimanngitsunut akunnermut aki ilanngaataqanngitsoq malillugu annerpaamillu sapaatip akunneranut akunnernut 40-nut annertussusilinnut naleqqussagaavoq.

Ernereermermi ullormusianut atuutsinneqartut tassaapput:

- Naartusoq erninissamut naatsorsuutigisamit sapaatip akunneri sisamat sioqqullugit sulinngiffeqarsinnaatitaavoq.
- Meerartaarnermi anaanaasoq ernereermerup kingorna sapaatip akunnerini 15-ini sulinngiffeqarsinnaatitaavoq kiisalu marlulissanik meerartaarnermi imaluunniit amerlanerusunik meerartaarnermi ernereermerup kingorna sapaatip akunnerini 19-ini sulinngiffeqarsinnaatitaalluni.
- Ataataasoq meeqqap/meeqqat inunngoreerneranniit sapaatip akunneri pingasut sulinngiffeqarsinnaatitaavoq.
- Angajoqqaat, tassa imaappoq nammineq toqqakkamik angajoqqaajusoq, meerartaarnermi ernereermerup kingorna aamma sapaatip akunneri 21-t sulinngiffeqarsinnaatitaavoq kiisalu marlulissanik arlalinnilluunniit meerartaarnermi ernereermerup kingorna aamma sapaatip akunneri 25-t sulinngiffeqarsinnaatitaalluni (angajoqqaat sulinngiffeqarsinnaanerannut inatsit malillugu).

Meerarsartaarnermi aamma meeqqamik ulloq unnuarlu paarsinermi meerartaarnermut atatillugu sulinngiffeqarnermut ullormusiaqartitsisoqartarpoq.

Meerartaarnermi sulinngiffeqarnerup takissusaa 2009-mi kisitsisitigut paasissutissat kisitsisaataasivimmi kisitsisaatigineqalernerisa kingorna allanngoqattaarnikuuvoq.

2021-p qiteqqunnerani ernereermermi aningaasaateqarfik Amaat nutaanik malittarisassaqaalerpoq. Tamatuma kingunerisaanik namminersortuni suliffeqartut inatsisit tunngavigalugit aningaasaateqarfimmit Amaamit aningaasaliiffigineqartalerput ernereermermi ullormusianik tunineqassarlutik.

Nalunaarsuutit tunngaviusut aamma suliarineri

Kisitsisitigut paasissutissanut tunngaviusut pisortaqaarfiit ataatsimoorussamik aningaasarsianut, Naatsorsueqqissaartarfiup innuttaasunut nalunaarsuiffianninngaanneersuupput.

Periaaseq

Misissukkat amerlassusaannik killiliineq

Kisitsisini paasissutissani matumani pineqartut tassaapput Naatsorsueqqissaartarfiup inunnik nalunaarsuiffiani inuit ukiup naanerani Kalaallit Nunaanni kommunini najugaqartutut allattorsimasut. Inuit nalunaarsuiffianni sumiiffimmi najugaqartutut allaqqasoq tassani najugaqartutut naatsorsuussaavoq, inuillu allattorsimaffianni sumiiffimmi najugaqartutut naatsorsorneqarsimaneq kommunit naatsorsuuserisarfianni allami najugaqartutut allaqqasinnaalluni.

Meerartaarnermut atatillugu sulinngiffeqarnermi ullormusisartut saniatigut pissarsiarineqartartut annertussasaat ilanngunneqarput. Inuk ukiumut 1.000 kr.-it ataallugit pissarsisimasooq peerneqartarpoq. Taamatut killiliinermi aningaasat tiguneqartussat iluarsineqarnerini tunniunneqartut ukiumut naatsosuinernut ilaangutinnginnissaat qulakkeerneqartarpoq. Aningaasat ukiup siuliani tunniunneqartussaagaluit ukiumi allami tunniunneqartut ukiumi naatsorsuiffiusumut ilanngunneqarneq ajorput.

Meerartaarnermut atatillugu sulinngiffeqarnermi ullormusiat il.il.

Meerartaarnermut atatillugu ullormusiat naatsorsorneranni ukiumi pineqartumi meerartaarnermi ullormusiaqarsimasut tamarmik ilanngunneqarput. Meerartaarnermi ullormusiallit ilaat ukiut marluk. Ilaatigut aamma meerartaarnermut atatillugu sulinngiffeqarnermi ullormusiaqartoqartarpoq ukiumi ataatsimi meeqqanut marlunnt.

Ukiut

Ukiumi pineqartumi decembarip naanerani ukiorisat malillugit naatsorsorneqarput.

Kommunit najugaqarfiillu

Saqqummersitami matumani kommunit avinneqarneri nutaat malinneqarput, kommuniusimasulli kommunini nutaani najugaqarfittut atorneqarput. Saqqummersitamilu kommuninut immikkoortiterinerni massakkut kommunit avinneqarneri pineqarput, najugaqarfinnullu immikkoortiterinerni 2009 sioqqullugu kommunit pineqarlutik. Immikkoortiterinerit marluk ataani takussutissiami takuneqarsinnaapput

Tabel 1. Kommunit najugaqarfiillu

Kommuni	Kujalleq	Sermersooq	Qeqqata	Qeqertalik	Avannaata
Distrikti	Nanortalik	Ivittuut	Maniitsoq	Kangaatsiaq	Ilulissat
	Qaqortoq	Paamiut	Sisimiut	Aasiaat	Uummannaq
	Narsaq	Nuuk		Qasigiannuguit	Upernavik
		Tasiilaq		Qeqertarsuaq	Qaanaaq
		Ittoqqortoormiit			

Ilisarnaatinut nassuiaatit
 ...Paasissutissat pigineqanngillat
 .. Paasissutissat tatiginanngitsut ilisarinnilersitsisinnaasulluunniit
 . Kisitsisitaqarsinnaanngitsut
 0 Affaanit mikinerusut
 - Nul

Saaffiginniffissaq

Anders Blaabjerg

E-mail: abla@stat.gl

Isumaginninnermut tunngasut

Naatsorsueqqissaartarfik
 Postboks 1025 · 3900 Nuuk
 Oqar.: +299 34 57 70
www.stat.gl · e-mail: stat@stat.gl

